



## Ռուբեն Սևակ

### Արցունքին քերթվածը

Այտերն ի վար, այտերն ի վար ուր հավետ  
Կը տոչորի հետքը վերջին համբույրին,  
Իջի՛ր արցունք, գովությանդ մեջ երկնավետ,  
Թող սերերու հետին բոցերը մարին:

Գգվանքներու ծովուն վրա ալեվետ,  
Մեռած, թռչած խոստումներուն վրա ցրտին՝  
Իջի՛ր, արցունք, գովությանդ մեջ կենսավետ,  
Իջի՛ր սառած երազներուն վրա սրտին:

Համբույրներս թերթերուն վրա ցիրուցան,  
Անոնց վրա որ ժպտեցան ու անցան .  
Ու խեղճ սրտին մոխիրներուն վրա տրտում  
Փլատակներուն վրա տենչին ու հույսին .

Իջի՛ր, արցունք, գորովանքովդ անդադրում: